

А Ж Р И М

(даъво аризасини кўрмасдан қолдириш тўғрисида)

Навоий шахри

2023 йил 5 май

Кармана туманлараро иқтисодий суди, судья А.Хамидов раислигида, судья ёрдамчиси Х.Аллаёровнинг суд мажлиси котиблигида, Қизилтепа туман фермер, деҳқон хўжаликлари ва томарқа ер эгалари кенгашининг даъвогар “Асадбек орзуси” ФХ манфаатида, жавобгар “Tekstil Navoiy group” МЧЖдан асосий қарз, пеня ва жарима ундириш тўғрисидаги даъво аризаси бўйича қўзғатилган ишни даъвогар раҳбари Ш.Ахроров ва жавобгар вакили Д.Жумабоев (2023 йил 25 апрелдаги

26-сонли ишончнома асосида)ларнинг иштирокида очиқ суд мажлисида кўриб чиқиб, қуйидагиларни

а н и қ л а д и :

Қизилтепа туман фермер, деҳқон хўжаликлари ва томарқа ер эгалари кенгаши (бундан буён матнда Фермерлар кенгаши деб юритилади) даъвогар “Асадбек орзуси” фермер хўжалиги (бундан буён матнда даъвогар деб юритилади)нинг ҳуқуқлари ҳамда қонун билан қўриқланадиган манфаатларини ҳимоя қилиш мақсадида судга даъво аризаси билан мурожаат қилиб, унда жавобгар “Tekstil Navoiy group” масъулияти чекланган жамияти (бундан буён матнда жавобгар деб юритилади) ўз шартномавий мажбуриятини бажармаганлигини кўрсатиб, жавобгардан даъвогар фойдасига 331.052.445 сўм асосий қарз, 10.593.678 сўм пеня ва 82.763.111 сўм жарима ундиришни сўраган.

Суд мажлисида иштирок этган даъвогар раҳбари, даъво талабларидан воз кечишини маълум қилиб, тегишли аризани судга тақдим этиб, ушбу аризани қабул қилишни ва ишни кўрмасдан қолдиришни сўради.

Суд мажлисида иштирок этган жавобгар вакили даъвогарнинг даъво талабларидан воз кечганлигини қабул қилишни ва иш юзасидан қонуний қарор қабул қилишни сўради.

Суд, ишда иштирок этувчи шахсларнинг тушунтиришини эшитиб, иш ҳужжатларини муҳокама этиб, қуйидагиларга кўра даъвогарнинг унинг манфаатларини кўзлаб Фермерлар кенгаши томонидан киритилган даъво аризасидан воз



кечишини қабул қилишни ва мазкур ишни кўрмасдан қолдиришни лозим топди.

Суд мажлисида даъвогар раҳбари судга даъвогарнинг манфаатларини кўзлаб Фермерлар кенгаши томонидан жавобгардан даъвогар фойдасига 331.052.445 сўм асосий қарз, 10.593.678 сўм пеня ва 82.763.111 сўм жарима ундириш ҳақида киритилган даъво талабларидан воз кечиш ҳақидаги 2023 йил 5 майдаги аризани тақдим этган.

Ўзбекистон Республикаси Иқтисодий процессуал кодекси (бундан буён матнда ИПК деб юритилади) 157-моддасининг 2 ва 3-қисмларига кўра, даъвогар ишни ҳар қандай инстанция судида кўришда тегишли суд инстанциясида ишни кўриш якуни бўйича чиқариладиган суд ҳужжати қабул қилингунига қадар даъводан тўлиқ ёки қисман воз кечишга ҳақли.

Суд даъвонинг асоси ва предмети бир вақтда ўзгартирилишини қабул қилмайди. Суд даъводан воз кечишни, даъво талаблари миқдорини камайтиришни ҳам, агар бу қонун ҳужжатларига зид бўлса ёки бошқа шахсларнинг ҳуқуқлари ва қонун билан қўриқланадиган манфаатларини бузса, қабул қилмайди. Бундай ҳолларда суд ишни мазмунан кўради.

ИПК 107-моддасининг 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса, суд даъво аризасини кўрмасдан қолдиради.

Даъвогарнинг Қизилтепа туман фермер, деҳқон хўжаликлари ва томарқа ер эгалари кенгаши томонидан даъвогар манфаатида киритилган даъвосидан воз кечиш ҳақидаги илтимосномаси қонун ҳужжатларига ҳилоф эмаслиги, тарафларнинг ҳуқуқ ва манфаатларига таъсир этмаслигини инобатга олиб, суд даъводан воз кечишни қабул қилишни ва мазкур ишни кўрмасдан қолдиришни лозим топди.

ИПК 118-моддасининг биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Баён этилганларга асосан суд, ишни кўриш билан боғлиқ суд харажатларини даъвогар зиммасига юклашни, бироқ Ўзбекистон Республикаси Президентининг 2017 йил 10 октябрдаги “Фермер, деҳқон хўжаликлари ва томарқа ер эгалари фаолиятини янада ривожлантириш бўйича ташкилий чора-тадбирлар тўғрисида”ги ПҚ-3318-сонли қарорининг 5-



бандига кўра, фермер, деҳқон хўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шахслари хатти-ҳаракатлари (ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон хўжаликлари ва томорқа ер эгаларидан давлат божи ундирилмаслиги белгиланганлиги боис, даъвогардан давлат божи ундирмасликни лозим деб топади.

Юқоридагиларга асосан, Ўзбекистон Республикаси Иқтисодий процессуал кодексининг 107, 118, 157 ва 195-моддаларини кўллаб, суд

а ж р и м қ и л д и :

Даъвогар “Асадбек орзуси” фермер хўжалигининг унинг манфаатида Қизилтепа туман фермер, деҳқон хўжаликлари ва томарқа ер эгалари кенгаши томонидан киритилган даъво талабларидан воз кечиши қабул қилинсин ва мазкур иш кўрмасдан қолдирилсин.

Ажрим устидан бир ой муддатда Кармана туманлараро иқтисодий суди орқали Навоий вилоят иқтисодий судига апелляция тартибида шикоят берилиши (протест келтирилиши) мумкин.

Раислик қилувчи, судья
А.Хамидов

